



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გოცირიძე ლეილა მიხეილის ასული



ლ. გოცირიძე

გოცირიძე ლეილა მიხეილის ასული (13. III. 1924, თბილისი, – 30. XI. 1998, მოსკოვი), მომღერალი (მეცო-სოპრანო). საქართველო. სახ. არტისტი (1958). 1947 დაამთავრა თბილისის სახელმწიფო უნივერსიტეტის სახ. სახელმწიფო კონსერვატორია (პროფ. ო. ბახუტაშვილ-შულგინას კლასი). 1948–72 იყო თბილისის ფალიაშვილის სახ. ოპერისა და ბალეტის თეატრის სოლისტი. შექმნა მრავალი შთამბეჭდავი ვოკალურ-სცენური სახე: ლატავრა (ზ. ფალიაშვილის „ლატავრა“), დარეჯანი (მ. ბალანჩივაძის „დარეჯან ცბიერი“), დედა (მ. მშველიძის „დიდოსტატის მარჯვენა“), პოლინა (პ. ჩაიკოვსკის „პიკის ქალი“), აზუჩენა, ამნერისი (ჯ. ვერდის „ტრუბადური“, „აიდა“), კარმენი (ჯ. ბიზეს „კარმენი“) და სხვ. გ-ს ჰქონდა ლამაზი ტემბრის, ძლიერი, ყველა რეგისტრში თანაბრად მჭიდრო ხმა. მისი ხელოვნებისათვის დამახასიათებელი იყო მაღალი ვოკალურ-სცენური კულტურა, დახვეწილი პროფესიონალიზმი. წარმატებით გამოდიოდა კამერულ კონცერტებზე. 1980-იდან ეწეოდა პედაგოგიურ მოღვაწეობას თბილისის სახ. სახელმწიფო კონსერვატორიასა და შოთა რუსთაველის სახ. თეატრ. ინ-ტში.

მ. გედევანიშვილი